

Redovni izvještaj dnevnih događaja i pojava

Izvještaj se odnosi na događaje u vremenskom periodu od 22.08.2026. godine od 08:00 sati do 23.08.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bihać. Vatrogasna jedinica grada Bihaća imala je tri intervencije na gašenju požara:

- Požar na Plješevici je i dalje aktivan. Gašenje otežava vjetar i nepristupačan teren. Upućen je zahtjev za pomoć Oružanih snaga BiH.
- Od 11:15 do 12:26 sati u mjestu Zavalje, gdje je gorjelo nisko rastinje.
- Od 02.16 do 03:24 sati u mjestu Jasika, gdje gorjela kuća.

Grad Cazin. Vatrogasna jedinica grada Cazina imala je dvije intervencije na gašenju požara:

- Požar koji je nastao 20.08.2026.godine oko 17:30 sati na području Velike i Male Gomile je i dalje aktivan. Vatrogasna jedinica Cazin sa osam vatrogasaca i dva vatrogasna vozila, uz pomoć radnika šumarije Cazin, je bila na terenu i radila na gašenju ovog požara. U gašenje je uključen helikopter Oružanih snaga BiH, koji je započeo aktivnosti gašenja u 08:00 sati, napravio pauzu u 15:00 sati, te nastavio sa ponovnim gašenjem od 17:00 sati do večernjih sati.
- Od 21:05 do 00:00 sati u mjestu Gornja Barska, gorjele su bale sijena.

Općina Sanski Most. Vatrogasna jedinica općine Sanski Most imala je dvije intervencije na gašenju požara:

- Od 14:10 do 17:35 sati u mjestu Sasina, gdje je gorjela šuma.
- Od 15:45 do 21:30 sati u mjestu Majkići Lukić, gdje je gorjela šuma i nisko raslinje.

Općina Bosanski Petrovac.

Požar na lokalitetu Crni vrh je i dalje aktivan ali pod kontrolom. Još uvijek se, zbog vjetra, aktiviraju sporadični podzemni zaostaci požara u krugu sigurnosnog pojasa.

Radnici šumarije uz pomoć mehanizacije je rade na proširenju sigurnosnog pojasa oko samog požarišta.

Ostale vatrogasne jedinice nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Svi magistralni i regionalni putevi na području kantona su prohodni.

Duge su kolone putničkih vozila na izlazu iz Bosne i Hercegovine na graničnim prelazima Izačić i Velika Kladuša.

Na ostalim graničnim prelazima, za sada, putnička vozila ne čekaju duže od 30 minuta.

BEZBJEDNOST U SAOBRAĆAJU (LP-7) (saobraćajne nezgode)

U protekla 24 sata na području Kantona desilo se pet saobraćajnih nezgoda. Jedno lice je zadobilo lakše tjelesne povrede, uz pričinjenu materijalnu štetu.

OŠTEĆENJA ELEKTRIČNE MREŽE (LP-18)

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcioniraju u u svim pravcima.

OBLAST VODOSNABDIJEVANJA (LP-18)

Grad Cazin. Zbog povećane potrošnje i smanjenog kapaciteta na izvorištima uvedene su redukcije u snabdjevanju. Redukcije će trajati nekoliko sati u različitim vremenskim periodima, tokom dana i noći, za pojedine grupe potrošača, a posebno za korisnike vodovodnih sistema Vignjevići i Tahirovići.

Općina Bužim. Zbog smanjenog kapaciteta i velike potrošnje pitke vode uvedene su redukcije za naselja koja se snabdijevaju sa izvorišta Pivnice i Musići.

Vodosnabdijevanje u ostalim općinama i gradovima je zadovoljavajuće.

NEEKSPLODIRANA UBOJNA SREDSTVA NUS (LP-19)

Nije bilo prijava pronalaska NUS-a.

METEOROLOŠKO-HIDROLOŠKA SITUACIJA

U gradu Bihaću u 08:00 sati temperatura je iznosila 18 °C.

Vodostaj rijeke Une iznosi 21 cm, (početak obavještavanja je 100 cm).

U općini Sanski Most u 08:00 sati temperatura je iznosila 18 °C.

Vodostaj rijeke Sane iznosi 71 cm (početak obavještavanja je 310 cm).